



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

V. Die Martii.

urn:nbn:de:hbz:466:1-9625

P. M A T T H Æ V S
C V B E R V S.

Marchius
Valcz. 4.
Mar. 1946.

B. V.

Hic etiam humilitate, ac laboribus exantlatis gradum spiritualium Coadiutorum ornauit. Hunc iam olim puerum ægrum, Beatissima Dei Mater inuisit in somno, & hisce illum

verbis solata est; Conualesces, filii per te multa bona operabitur filius meus. Societati adiunctus, præter alios plurimos, Patrem, & germanos duos Orthodoxæ veritati adduxit. Virginitate perpetuâ, & propensâ semper pietate DEIPARAM coluit, ac eo quem prædixerat die ad immortalium confortionem discessit.

Virginia.

V. DIE MARTII.

P. P E T R V S
A L O Y S I V S.

5. Mar. Malatiz in Pifario littore 1596.

De hoc de ea quæ in annis illo per scripta sunt. P. Petrus Aloysius natione Malabares è Brachmanorum genere, venerat ad fidem puer, educatusque in Collegio S. Pauli. Eâ fuit indole, ingenioque vt ad studia admitteretur; percurritque suum cursum ad finem vsq; Theologiz, sanè feliciter; sed non minus ad studia pietatis progressus est. Quippe tanto Deo sese diuinciendi studio fuit incensus, vt spretâ familiæ nobilitate, cuius Princeps hæres esset, ad Societatem se adiungere præoptarit, in qua tanto virtutum exemplo vixit, vt mirum non sit singularia in ipsum collata beneficia esse diuinitus. Quippe factus Sacerdos, missus ad huius oræ iuuandos incolas, vehementer exemplo vitæ & doctrinâ Christianam rem promouit. Martyrij coronâ donatus non est, sed neque illi defuisse constantiam ad mortem oppetendam, nec martyrij merito cum defraudare voluisse diuinum numen, euentâ declararunt. Nam cum Patribus ijs qui montanos tractus incolunt aliquando opem ferret, vehementiusque diuinam legem prædicaret, coorti in eum

Videri.

ethnici aliqui lanceis confoderunt, letaliaque vulnera permulta illi imposuerunt, quæ ille omnia complicitis genibus, sublatisque in Cælum manibus libens excepit. Deum suppliciter orans, vt tenuè illud suæ vitæ Sacrificium benignus exciperet. Sed nimirum ea palma non promeritis, ne viris quidem sanctissimis, sed occulto cælestis arbitri iudicio datus, admittiturque. Perfunctus illo certamine, duodecim, tredecimue, horum Christianorum commodo superuixit annos. Eum tandem ad Cælestia præmia, cælestis Pater euocauit, cum annum quintum & trigésimum in Societate exegisset.

P. D E S I D E R I V S
C O L I N V S.

Fuit hic vir sui contemptione, ac prolixâ in leges nostras religione, tū SS. Sacramenti, & Dei Matris cultu peregregius. Cum diuinis operaretur ad preces ad SS. Sacramentum vel DEIPARAM exoluerit, fluebant ille faciles, ac frequētes ex oculis lacrymæ ab infāmato animi sensu profectæ. Suprema illius inualerudo phrenesis erat, quæ illum de statu mentis deiecerat. Sed si Dei Matris nomen audiret veluti reserata

Galles An-
cij. 5. Mar.
1509.
xrat. 40.
Soc. 10.

B. V.

seram

seram suæ mentis, ad se confestim redibat: & quicquid demum tamen permolestum, imperaretur, obedienter exequabatur cum diceret: *Absit absit ut ego B. Virginis causâ nolim obtemperare.*

P. I O A N N E S
DE VILLALOBOS.

Peruanus.
7. Mar. 1630.
ætat. 9.
Soc. 17.

DE hoc in tyrocinio illud per scriptum est elogium, illum ex Nouitiorum censu fuisse quos vnquam vltus maximo diuini spiritus ardore flagrantes nouerit. Aiebat, nihil humile, nihil abiectum, excelsa, & plena dignitatis omnia esse in domo Dei. Inde ad ardua & humilia propenso planè animo ferebatur. Semper amictus cilicio; scæminas nunquam aspicebat cum consistentes audiret, nec vnquam inuisebat. Quotidie se flagello cederebat semel; nec raro bis. **DEIPARÆ** nomen visus est nunquam sinè temeritatis dulcioris significatione pronunciare, vel audire. Ante cœnam horæ vnus spatium orandi studio dabat quotidie. Afflictum illum non semel allapsa è Cœlo vox solata est. Et fuit cum mœrore presso, ac oranti ostendi visa est Crux ingens auditâ voce quæ dicebat: *Bono animo esto, fili; alia te adhuc manet maior & magis grauis.* Statim atque in morbum incidit, petiâ Christi Cruci affixi imagine, affirmatè dixit; se moriturum, & post præclara patientiæ in vita; & morte exercitiæ documenta desessit.

Mortif.

Oculi.

B. V.

Oratio.

Crux.

Patientia.

P. I O A N N E S
IGNATIUS BEIZAMA.

Sanctimonix opinionem iam inde à tyrocinio adeptus, & B. Aloysio suppariudicatus, habuit stimulum ad virtutem etiam domi suæ, vbi eius germanus religiosè admodum vixit etiam in seculo, & octo sorores omnes se in sanctimonialium cœnobis abdidere. Obseruatum in illo est; cum târa & despicientiâ rerum humanarum, & oculorum modestiâ eluxisse, vt cum adhuc in Hispania degeret, nunquam in vllum vel ædium, vel apparationis exquisitæ atque magnificæ ac raræ splendorem oculos suos defixerit, nedum laudari, vel fuerit admiratus ea quæ mundi oculus magni facit. In Peruana Prouincia sancti eius mores, sanctæ conciones, sanctæ colloquia. Et rumore audito, illum pro concione dicturum, aiebant alij alios inuitantes, *Age, Sanctum audiamus.* Et verò corda Deo rebellia validissimè subigebat cum in spiritu & veritate diceret domi & foris. In tertiæ Probationis anno iussus præstituta horâ quampiam arbusculam irrigare, obedienter id fecit, etiam cum imber rueret toto cælo. Mirantibus, respondebat: sibi id imperatum, citra vllam cæli sudi aut imbrum mentionem. Nemo illum vnquam contra vllum nostræ cuiuscunque legis apicem peccare aduertit. Mœsto vultu dolorem testabatur, si sermo non de diuinis sereretur; aliàs lætus.

Hispanus
in Peruanæ
Coll. Assumpt.
Mar. 674.

Humilitas.

Modestia.

Obedientia.